

401
96

1

QVÆSTIO MEDICA.

*Quodlibetarijs disputationibus manè discutienda in Scholis
Medicorum, die Iovis 9. Decembris.*

M. ALEXANDRO MICHAELE DENYAU,
Consiliario, Lectore & Professore Regio,
Doctore Medico, Moderatore.

Utrum in acutis Febris necesse sit

ε'υποα ποίεειν ?

I.

FEBRIUM Scientia aded utilis, ut quemvis humanæ vitæ
amantissimum, velut admotis quibusdam igniculis, possit ad
eam consequendam excitare. Si enim certitudo spectetur,
illarum cognitio & praxis omnium est constantissima. Tactu
enim omnium æquissimo iudice cognoscuntur & judicantur.
Nullus, meherculè, Morbus est, qui frequentius nostra corpora
infestare soleat, quàm ipsa Febris. Pauci sunt Morbi, quos vel
non præcedat, vel comitetur, vel sequatur: ita ut vulgari effato
pronuntiari soleat, Neminem, licet violentâ morte raptum, mori
sine Febre. Hæc naturis, ætatibus & temporibus omnibus com-
munis, ut viris, mulieribus, pueris, senioribus, robustissimis, tene-
rioribus, ætate, hyeme & alijs. Febris πυρετός ἀπὸ τοῦ πυρός,
vitæ arcem invadit, oppugnat & expugnat, & innumeros homi-
nes è vivis eripit, propter aëris & diætæ vitium. Ut enim inter
primas qualitates calor est ætuoosissimus, sic Febris, cujus causa
communis & proxima est calor παρὰ φύσιν, in corde accensus
actiones lædens. Omnes Morbi partem unam vel alteram, vel
plures tantùm obsident, ad aliquod temporis intervallum, priùs-
quam universam partibus (ut Febris) noxam inferant. Febres ta-
men omnes ε'υποιαὶ non expostulant. Cor non sanguinis prin-
cipium & officina; sed ut subiectum Febris triplici suâ substan-
tiâ, tria Februm genera constituit, (Τὰ ἰσχυρὰ, ἰσχυμένα, καὶ
ε'φ'μῶντα.) Ephemeræ nulla ε'υποια, ob temporis brevitate & spi-

rituum subtilitatem. Humorali procuranda. Hædica ἀνελπιστος καὶ ἀνίατος, dum nigro humore squalent viscera, nec salutatis fluoris spem portendit. Humoralis, vel est continua, vel intermittens. Illa benigna, aut σύντοχος in qua omnes humores æqualiter putrent; aut συντοχὴς in qua unus humor putret supra reliquos. Maligna etiam est continua ob peculiarem putredinem, ut in pestilenti, petechiali, variolis & morbillis, in quibus etiam εὐποία promovetur. Intermittens humoralis diversos curandi modos exoptat, sicut Quotidiana pituitæ, Tertia bilis, Quartana succi melancholici soboles, ob contumaciam & perviciam variorum humorum, ut dispositione à medicamentis in corpus inducâ, securius fiat discussio, attenuatio, incisio, venarum, arteriarum, nervorum, ductuumque Lymphaticorum dilatio, proindeque salubrior catharsis, sive ἀνω, sive κάτω.

II.

Complicantur Febres triplici modo. 1° Toto genere diversæ, ut hæctica cum putridâ; continua cum ephemerâ; putrida cum continuâ & intermittente. 2° Specie diversæ, quæ genere proximo conveniunt; specie autem differunt, ut Tertianâ intermittens cum Quotidianâ intermittente, Tertianâ intermittens cum Quartanâ intermittente, Quotidianâ intermittens cum Quartanâ intermittente, Quotidianâ intermittens cum Tertianâ intermittente. Aliæ sunt Febres, quæ genere remoto conveniunt; proximo verò differunt, ut continuæ cum intermittibus: Idque vel similes cum similibus, ut Tertianâ continua cum intermittente; vel diversæ cum diversis, ut tertianâ intermittens cum quotidianâ continuâ, quotidiana intermittens cum tertianâ continuâ, quæ complicatio dicitur hæmitriteos. 3° Tandem sunt Febres ejusdem naturæ, ut duplex quotidiana, duplex & triplex tertiana, duplex & triplex quartana; exceptâ hæctica, propter quam manant viscera tabo, omnibus alijs Febribus, licet chronicis εὐποία, bona dispositio ad purgationem, ad evacuationem humoris morbifici propensio, convenit maximè. Graviter errant & hallucinantur qui kinamkinam discutiens & attenuans pharmacum proponunt, cum tutò non possit exhiberi ante purgationem, adedò sanguineæ massæ infensum ut eam coagulet, & Ἀνασφαιώσιν τῶν φλέβων καὶ τοῦ αἵματος accelerēt.

Pejus egit qui ejus virus opiô adaugendo, multa experimenta per mortes civium impunè fecit. Exclamandum, ô tempora! ô mores! Non Libris, non doctrinâ, non praxi, non probitate, sed audaciâ, multiloquio, muliebri ambitu, luxu, eminente patrono opusest, quamquam sit stipitis & trunci instar fîcilis Doctor. Sôbriè utendum hoc remedio, aut potiùs ab ipso abstinendum: Et licèt frequenter quibusdam ægrotantibus concedatur, tamen pro natura ipsius Febris non solvitur paroxysmus, sicut in complicatis supradictis. Tempus Medicus est optimus, cum laudabili victûs regimine & frequenti leviori catharsi, quæ tandem obstructions resolvit. Ecôntra verò usu corticis Peruviani concrescit sanguis, scirrhi hepatis, lienis, mesenterij, pancreatis, hydropes superveniunt. Nullus tandem est qui Febre intermittente laborans, non debeat intra quadraginta dies sanari, modò à prudente Medico regatur. Exhibilandi Acetarij illi scioli, qui Acidum & Alkali causas & curationes morborum statuunt. Pro diversitate Februm, diversa essent Acida, quibus kinakina facere satis non posset, quod experimentis Quartanarum triennialium confirmatur.

III.

Celeberrimum divini Senis Decretum est (Τὰ σώματα χρεὶ οὐκ ἂν τ.ς βούληται καθαίρειν, ἐν ὥρᾳ πείνῃ) Ita & eorum qui Febribus acutis laborant, necesse est fluida facere, quamquam sua celeriter percurrant tempora & cum vitæ discrimine: quare remedia quæ purgationem saluberrimam præstant, debent administrari à Medico purgationem ex arte instituyente, secundum ἐν δόξῃς, ut præparentur humores. Quemadmodum in omnibus ferè morbis; ita in acutis humorum purgandorum, si crassi fuerint, attenuatio, si visceri, deterfio & incisio, ductuum ac meatuum, per quos facienda est purgatio, si fuerint angusti, dilatatio, si oclusi, apertio, purgationem maximè utilem, facillime efficiunt. Sæpe redundans vitiosus succus exiguis canalibus per quos expelli debet, crassior ac viscosior obhæret; quare ab ipsa natura expurgari nequit, nisi canalium ostia, per quos debet purgatio fieri, referentur: tenuitas & viscositas ejus quod debet evacuari, incidatur. Si quis, inquit Galenus, discutiatur, extenuetur atque incidatur crassos & tenaces humores, qui in corpore continentur; si meatus per quos isti humores transmittuntur ac tra-

huntur à medicamentis quæ vim purgandi habent (non electio-
ne, sed irritatione) aperiantur, in omnibus rectè purgatio proce-
det. Sive enim per alvum, sive per ventriculū, aliamve corpo-
ris regionem, purgare quis voluerit, humoribus nondum diffuen-
tibus redditis, agrè, molestèque eveniet purgationis exitus, cum
ventris torsionibus, vertiginibus, pulsus depravatione & animi
deliquio, ἀσσυζία. Econtrà fluidum si totum corpus effeceris,
optimè purgabis. Expurgatio fit tractis humoribus vi medica-
mentorū; eòque facilius trahuntur, quò sunt tenuiores, nam
eò etiam sunt fluidiores. Crassities enim semper officit, tenuitas
nunquam nocet, etsi succus evacuando sit tenuissimus: Neque
enim tenues humores, ut aquosos & biliosos, ante purgationem
crassiores efficiendos esse, cum Avicenna sentio, qui humores
tunc optimè ad expulsionem præparari censet, cum reducuntur
ad mediocritatem substantiæ. Pulmonibus contenta materia su-
prà modum tenuis, ut serem, impellentis spiritus vi, tussiendo
non facilè in asperam arteriam sustolli, excrearique potest: In
ventre continenter præparato humor etiam tenuissimus ex facili
foràs feliciter protruditur. A ventre naturalis adio, à pectore fit
animalis, auxilio musculorum πτερυγας τῶν πνευμάτων moventium.
Si tamen plus æquò incaluerit humor, semper ei, ante purgā-
tionem, frænanda acrimonia.

IV.

Licèt tenuis humor coctione aliquando crascescat, atque
etiam tum coctus ad evacuationem fit apparatus, hâc ta-
men de causâ non debet Medicus naturæ imitator, eum
ante purgationem, crassiorem efficere: neque enim is & natura
propter eosdem fines operantur, sed longè diversos. Præparat
Medicus quò evacuet, natura quò retineat & sibi commodum
alimentum efficiat. Natura siquidem quidquid coquit, curat sibi
simile reddere, quod semper consequi non potest, propter inep-
titudinem materiæ quam commutat. Ipsa natura desistens à com-
mutatione ad expulsionem convertitur, proindèque humorum
concoctionem nunquam natura evacuantibus adminiculatur;
quoniam illa eo tempore aliò intendit, nempe ut succum in
propriam sui substantiam convertat. Medicus & natura propter
contrarios usus operantur: Naturâ crassitudinem inducente, Me-

dico attenuante. Non enim quod is crascescat idcirco coquitur ; neque coctus idcirco purgationi aptior : sed quod sit à cæteris humoribus secretus, cumque prorsus evacuare contendat. Cotionem sequitur secretio, secretionem expulsio ; quò igitur tenuior, eò ad effluendum aptior. Præparatio & coctio maximè inter se differunt. Coctio à nativo calore, non arte : Præparatio ὑποῖα ab arte plusquàm à natura, quia detergentibus, incidentibus medicamentis expeditur obstructio, ἡ μφραξίς, humorque attenuatur ; ast non plenè concoquitur. Πέπωνα Φαρμακεύειν ἢ κινέειν, μὴ ὡμα, μηδὲ ἐν ἀρχῇσιν, ἢ μὴ ὄργα, τὰ δὲ πλεῖστα οὐκ ἔργα. Præparatum humorem non licet semper exquisitè purgare, concoctum licet excernere, cum viæ patent. In corpore quisquis peccat humor tenuis & fluidus, sicut in acutis Morbis turget statim, initio, ne partem nobilem invadat, nullà præparatione, è quâvis regione corporis detrahendus. Si verò parti cuiuspiam is firmus inhaeret, vix nisi deterfus & coctus trahenti cedit medicamento. Crassus verò & glutinosus humor non facillè per angustas vias profluit in alvum ; imò nonnisi vi & perturbatione, vel è patenti corpore deduci potest. Corpus purgandum ὑποὶν ἔστω, id est, patens nec impeditum. Verùm ut tùm corporis, cùm humorum ὑποῖα magis ac magis elucescat, etiam in flavæ bilis redundantia, saltem si ea non turgeat, præparationem ante ejus expurgationem, ut ea citius & faciliùs è corpore educatur, convenire demonstratur.

V.

Corpus potest fluidum reddi, vel humoribus extenuatis & absterfis, vel omnibus meatibus referatis : At incisio & extenuatio succis lentis competit, non bili tenui convenit, sed canalium dilatio, ubi ea non turget. Medicorum facillè Princeps Galenus jubet singularium partium meatus præparare ; qui ad supervacuorum emissionem sunt proprii. Si materia turget in acutis Morbis, Medicus potest arripere occasionem primis diebus corpora præparandi, priùsquàm usus sit medicamento purgante, quibus in morbis, ob temporis angustiam, morborumque pravitatem, saltem hæc facultas præparandi vix datur, imò nec concoquendi, licet sit Medici prudens indicatio, etiam in peracutis (ἐναντία ἐναντίων ἰάματα) Morbo organico, qui obs-

tructio est, contraria est apertio seu referatio: Obstructionem
 pariunt tùm humorum crassities, cùm abundantia. Sequitur fla-
 va bilis redundantiam obstructiones parientem, viarum refera-
 tionibus (tanquàm legitima preparatione) indigere: Præsertim
 si ejus non tanta sit copia ut statim circa initia Medicum ipsam
 evacuare cogat. Si ea non ruget, ante purgationem debet con-
 coqui, quia ea evicta ac permutata à calido innato, faciliùs edu-
 citur. Procul dubio statuendum est vias ac meatus per quos
 transmittenda est & à medicamentis trahenda, referandos esse;
 cum corpora quævis ante purgationem fluida esse efficienda ge-
 neratim decernat divinus Senex; non verò concoquendos esse
 ante purgationem humores, cum humoris orgasmum semper à
 pepasmo excluderit. Sat fuerit in acutis & malignis Febribus ne-
 cessariam esse corporis & humorum *ευροϊαν*, ex ipsius *κακωνθι'ας*
 natura, quoniam malignitas tota dependet ab insigni, quæ putre-
 dinem efficit ac fovet obstructionis contumaciâ, & Febris indom-
 itâ pertinaciâ, utpote quæ nihil est aliud quàm intensior quæ-
 dam putredo. Constat autem non posse tolli Morbum, nisi sub-
 blatâ priùs illius causâ; quæ cephræsticis vasorum, partium, hu-
 morum referationem maximam non alternatim exposulat. Sic
 preparatur corpus morbosum clysteribus, venæ sectione, *ὑγμονῶν*
 præsidio quo plethora minuitur, incendium extinguitur, humor
 accensus contemperatur, & pepasnum minori negotio conse-
 quitur. Procul Asserentes humores redditos tenuiores faciliùs in
 partes principes irruere; quia dum obstructio manet invicta, va-
 pores putres & maligni irrequieto motu ad cor & ad caput fe-
 runtur, *ἔμπροσθα μὲν*, *ἔν' ὅρα μὲν*, *ἔμπροσθα πάντα*, illicque
 turbas excitant maximas, absque ficto sanguinis motu circulari.
 Si verò obstructio solvi sensim incipiat, vapores qui indè efflan-
 tur, minùs maligni sunt imminutò aliquantùm calore *σπινδαίνου*
 per ventilationem; tunc humores liquidiores redditi facis par-
 tem deponunt, quæ illos efficiebat actiores, eamque in partem
 aliquam ignobilem natura transmittit, atque tunc illi vias ob-
 structas latiores, patentiores, liberioresque reddunt, quia liberiori
 quæ putredinem ex intimis visceribus arceat ac evocat transpira-
 tione, *διαπόρρσι*, perfruuntur. Viçus ratione tenui & exquisitâ
 humectante, *Αἰ λεπταὶ, ἢ ἀκριβέες διαταῖς*, phlebotomiâ, ca-
 tharticis, cardiacis, sudorificis, diureticis, emeticis solvuntur Fe-

7
bres acutæ, pro varia corporis dispositione δια τῶν συμπεροντῶν
χωρίων, administratis confectionibus de Hyacintho, Alchermes,
Theriaca, ab omni ferè ævo laudatis. Ἐν τοῖσιν οἷσι πάθει
ὀλγῆαις, καὶ ἐν ἀρχῇσι τῆσι φαρμακείῃσι χρήσαι καὶ τοῦτο προξεν-
κρήσαντας ποιέειν.

Ergo in acutis Febris necesse est ε'υροα ποιέειν.

DOMINI DOCTORES DISPUTATURI.

M. Ioannes Bondin.

M. Antonius le Moine.

M. Ioannes Armandus de Mauvilain]

Al. Guido Erasmus Emmerez.
Al. Michaël de ...

M. *Carolus Marican,*

M. Bertinus Dienxivoje, Decanus.

Al Michaël de Hodencz.

M. Pontius Maurin.

M. *Stephanus Bachot.*

Proponebat Parisijs NICOLAUS BAILLY,

Parifinus, Baccalaureus Medicus.

A. R. S. H. 1683.

Ex typis C. CHENAULT, viâ S. Severini.